

ok sust dar to gegeben, islick des jahres hebben <sup>22)</sup> nach uthwysunge segele unde breve, darmede eyn islick patrone beneffen der fundation den synen nothorftigen vorsorgen wil. <sup>23)</sup> So schullen alle de commendisten to sodanen tyden vorordent <sup>24)</sup> ewich <sup>25)</sup> to lyke vorbetert werden also wes dar to gegeben und gemaket werth, schal one samptliken tom besten kommen.

Boven de patronen, de des unvorbunden wesen schullen.

Doch de wyle se nicht lykmetich in oren upboringen unde renten sin, so schal men datsulve dem edder den commendisten, de am wenigsten van orer fundation wegen hebben, toleggen und deputeren; wenn se denne lykmetich werden, so schal denne alle wege, wes gegeben werth, one wu berort, in sampt tom besten kommen, eynem so vele als dem anderen dar ane totogande.

Wo denne, wann de commendisten so begiftigt unnd wol provideret sint, dar wes enboven were van den testamenten allen edder sust, dat sulve overgeld und wat frome lude na tyden mehre dar to geven werden, schal beholden, upgehoven und gesammelt werden, dat men etlicke summe geldes beleggen möge <sup>26)</sup> dar af to holdende <sup>27)</sup> was ton lechten up dat altare und sust des gelyken, wyn und oblaten und kolen dar mede to stande und to tugende <sup>28)</sup> ok mede <sup>29)</sup> to ornaten, kleinoden unde anderen van nöden in sodaner capelle to tugende ok ton husinge to kopende und to

<sup>22)</sup> Hier gestrichen und eingeklammert: gulden . . . hebben und des mit segelen und breven, wur se der gewarden mogen wol vorsorget und vorwisset syn. — <sup>23)</sup> Nach uthwysunge bis wil am Rande. — <sup>24)</sup> Gestrichen: der mit der tyd verwarden unde wesen schullen. — <sup>25)</sup> Gestrichen: gelyk in der upboringe der renten wesen, blyven und ok. — <sup>26)</sup> Gestrichen: twe capellen schölze jungen am Rande gestrichen: „van twe capellen schölren jungen to holdende“. — <sup>27)</sup> Gestrichen: ok. — <sup>28)</sup> Gestrichen: wat alsdenn darenboven gegeben und vorhanded were edder würde, schal gekarth und gewanth werden. — <sup>29)</sup> ok mede am Rande.